

ХАНТЫ ЯСАҢ



Основана
1 ноября 1957 года

19.08.2021
№ 16 (3580)

Касум вошн ёмәңхәйтл вәс



Евгений Тарлин хәл әңх кавәртәл. Е. Федотова китум хур

Муй щирн тәм
пұш няврәмәт
вәндтәты питлдыйт

» 4

Даль
пурайн
әнмәс

» 7

Хәлүм яй па
меңк ики
(хәнты моньщ)

» 14-15

Урал мўвев Президент ләңкәр хә мирхот верәс

Вәйт дор тыләщ яртыяңмит хәтәдн Ёмвошн РИЦ «Югра» немуп тәхийн Урал мўвев Президент ләңкәр хә Владимир Якушев мирхот верәс, хута телевидениян, радивайн па газетаитн рәпитты хәннехутәта арсыр айкеләт лўв рәпатайл олаңән верәс.


Сырыя Владимир Якушев путәртәс, хуты хәшум олатн Югра округев правительства тәхи кәщайт йма па вещьката дыв верләд верләт. Щи пәта араттелдн 28 межрегиональной кашащты непек Россия сырсыр мўвәт пила хәншсәт па кашәң пурайн щи утәт йма верты па тәса ләщәтты щирәт иса арталәләт па вантләт. Щимәщ кашащты непекәт, вантә, социальной политика, культура па па арсыр рәпитты щирәт унтасн тәм йисн тәса хәншлдыйт.

Владимир Якушев нумсәт щирн, Югра мўвев тәмхәтл – мет вулаң па мет мосты тәхия Россия арсыр мўвәт күтн вәл па лўнтәсл. Округев унтасн, вантә, ар

вух федеральной бюджет тәхия кашәң ол мәр иса юхәтл. Мўң хуцева ймкәм арат мўв илпи таш холумтла.

Щи верәт тумпийн тәта ар хәннехә лўв вәлупсы щирләд йилпа ин па ләщәтсәт.

Югра мўва кашәң пўш ар хуят вәдты-холты йил. Тәта ймкәм арат йилуп хот омәслды. Щәлтә катрая ювум юх хотәт шўкәтлдыйт, хәннехә мәш ймәлты пәльницайт тўнщирәңа верлдыйт, ар няврәм рәтмәлты щирәт ищиты ймсыева арталәлдыйт, сырсыр мир культура верәт па сәмәңа тәйлдыйт. Югра мўвева тәмхәтл Россия арсыр тәхет эвәлт инвестиция щирәтн ймкәм



В. Якушев. ugra.news.ru сайт эвәлт вўюм хур

арат тәхи эвәлт вән вухәт китдыйт. Ләдн щи вухәт тәмәщ коронавирус мәш вер йңхты пурайн әл щиты ат вәтшәсыйт, щи вер пәта ищиты тўнщирәңа па тәса Югра мўвев правительства кәща ех кашәң рәпата ләщәтләт. Вантә, округев мўв илпи ташәт вўтытакдытив юхи хәшум олат пурайн ймкәм ар хәннехә вәдты йилпа па йис. Владимир Якушев путәртәс, хуты инвестиция вухәт олаңән Россия

мўвев правительства тәхийн па йм ар путәр тәм хәтәдн вәс. Президент хә Владимир Путин мәтты ки ищи инвестицияйт пәта айкел, верәс. Россия хон пеләк сырсыр мўвәт па щимәщ вухәтн елды мәты питлдыйт. Ин щи инвестиция вер олаңән Российской Федерация Дума хот кәщайт елды па нәмәсләт.

Путәр хәншәс:
Владимир Енов

Пиресты верәт ешавәл щи олңитлдыйт

Тәм ол сўсн лыпәт хойты тыләщ 19-мит хәтлән Россия мўв луваттыйн депутатәт пириты питлдыйт. Щит Государственной думая – нивәлмит пўш, Тюменской область па Ёмвош округев думая – лапәтмит пўш па районәт па вошәт дума тәхета депутатәт пиридыйт.

Ёмвош округевн 741 пириты тәхи ләщәтсы. Тәмхәтл государственной дума тәхия округев эвәлт одномандатной щирн 19 кандидат хәншәньшәс, щит партияйт эвәлт – 17 хуят па кәт хуят – дыв сәттәла.

Тюменской областной думая Ёмвош округев 10 пиресты одномандатной тәхи эвәлт 35 хуят непек

мәсәт. Лыв хулыева нйл партия эвәлт вәлләт.

Мўң Ёмвош округев дума 38 тәхия 404 хуят непекәт тәсәт. Лыв эвәлтәла 83 хуят – 19 одномандатный округ эвәлт па 391 хуят – партийной спискәт щирн.

Ёмвош дума тәхия ищи кәт щирн непекәт мәсәт, щит одномандатной

округ щирн – 12 хуят па партийной спискәт щирн ищи 12 хуят хәншәньшәс.

Округев районәт па вошәт дума тәхета 290 депутатпириты мосл. Тәмхәтл щив 1173 хуят непекләд китсәт, щи күтн 427 хуят дыв сәттәла непекләд мәсәт.

Вәйт дор тыләщ 13 хәтлән кандидатәт нух хәншәньшәтты вер етшуптә-

сы. Ешавәл хәннехутәт уша верләт, хуйтат дыв пириты питлдыйт. Депутатәт пириты хәтлән 587 тәхийн видео щирн пиресты верәт вантты щир питл, 174 тәхийн щи вер видео щирн хәншлды.

Депутатәт пириты вер ешавәл щи олңитлы. Округев вәнт шушетн па ай кәртәтн пиресты вер тәм ол вәйт дор тыләщ 29-мит хәтл, вўш эвәлт па лыпәт хойты тыләщ 16-мит хәтл, вәнты мәнты питл.

Хәнты ясәңа тулмащәс:
Надежда Вах



Сэрханл район Лянтор вошн «Город детства» нявремат хатл мэр тайты хотн мирхот вэс. Щата ванлтасы, хутыса вут кертан ашкола-сад рэпитл. Онлайн щирн мирхотн Урал мўев Президент лаңкэр хэ Владимир Якушев па округ кэща не Наталья Комарова вэснэн.

Хутыса Сэрханл районан вут кертан нявремат ванлталдыт

Мирхот вэйт дор тылдаш 9-митн мўвтел мир шуши ёх хатлан манас. Щи вер тэты ёх кэща хуятанна вут кертан ашкола-сад оланан путартсат, щалта и урок ванлтасат. Мосл лупты, щи вер Югра мўевн 2020-мит ол вўш эвалт тэды.

Ай нявремат вант кертан онлайн щирн ванлтыллат. Интам Сэрханл районан лапат няврем ванлтыл.



Мирхот пураин пушхиет ванлтаты неңал пила

«Город детства» тахи там ол тэнлуп тылаш вўш эвалт щи проект ахтын рэпитты олнитсат. Нявремат ванлтаты не кашан хатл нйл щоскем мэр пушхиет пила рэпитл. Лўв хатл мэр хэлум пўш 15 минута кем онлайн щирн урок тэл.

«Город детства» тахи кэща не Юлия Голубова лупас:

» Шчи йилуп вер унтасн мўң даңхалўв ханты ясаң, шуши мир йис верат давалты, дэлн нявремат ашкола ванты юдн ат вэсат па рэт мир валупсы ат вантсат. Лыв «мобильное электронное образование» вер щирн ванлталдыт. Ин ванлтум нявремат па аңкидалащидал пила путартсум, дывела шеңк эмаш щи вер.

Шчи тахи кэща даңкэр не Наталья Ширшикова лупас, щи йилуп вер унтасн нявремата кеншак ашколайн ванлтылдыт питл. Вантэ, хэн вут кертат эвалт нявремат ван

ашколая юхтыллат, еша паллат, дывела даварт.

Ю. Голубова ясаңдал щирн, там олн нявремат талн валты вут кертан ванлтылды олнитсат, щирн щата интернет версы. Ван кер тылашн хантэт лўң керта касалсат, щата интернет антэм. Щирн мирхот Лянтор вошн верантсы. Пушхиет аңкидалащидал пила тыв юхатсат. Лыв нявремат хатл мэр тайты хот хуват янхсат, «батут» ахтын наварсат, арсыр юнтутан юнтсат, йилуп интерактивной щирн верум юнтупсэт вантсат. Щалта мирхот верантсы.

» Тэнлуп тылаш вўш эвалт нявремат пила ханты не Виктория Викторвна Карчина рэпитас. Тамхатл лўв верл па ханты неңа масы. Ин пушхиет Виктория Валерьевна Кантерова ванлтаты питл. Щит айлат не, лўв там ванан Ёмвошн технологической колледж етшуптас. Тамхатл лўв кэща хуятанна тэса урок

тас. Лўв яма рэт ясаңан путартал, нявремат ищи ханты ясаңа ванлтаты питл. Рэт ясаң давалман тайты мосл, – лупас Юлия Александровна.

Шчи тахи юпийн нявремат Лямина кертан валты ашкола-интерната 1-мит класса ванлтылды манлат. Щата ханты пушхиет «Почётный работник общего образования РФ» нем тайты не Галина Павловна Лаптева ванлтал. Лўв щимаш ясаңат щи проект тэты хуятата лупас:

» Ван пэмашипа ясаң луплум округ кэща неңа, ванлтаты верат тэты департамент хуши рэпитты хуятата, «Город детства» тахи неңата щи ван вер тэтэл пата. Шчи вер унтасн интам пушхиет ашкола ванты юдн ванлтылдыт щир тайлат. Щиты дывела елды ванлтылдыт кеншак питл. Эмаш, хути щимаш хэр ма ванлтум пухие Клим

Кантеров вант керталн верантсы. Лўв нявремал интам ма ванлталдем. Ям, хути ма ванлтум эвие Виктория Кантерова нявремат ванлтаты неңа йис па ин «Няврем моньщ» тахийн пушхиет ванлтал. Иса хуятата ям, уяң, талаң валупсы даңхалум!

Там олн катняврем – Марк па Ксения – 1-мит класса манланан. Лыпат тылашн па вут кертан валты ёх ищи даңхалат, дэлн нявремал щи ашкола-сад хуши ат ванлтылсат. Щирн щи вер ханнехуятат мосман тайлат.

Мирхот юпийн иса юхтум нявремат, аңкет-ащет, ванлтаты хуятат камн эм юх па сирень аня лыпат мўва омассат. Щиты ин вўш эвалт кашан ол верты даңхалат.

Путар ханшас:
Надежда Рагимова



Вәйт дор тылғаш 11-мит хәтәлн Ёмвошн РИЦ «Югра» нәмур айкеләт әкәтты тәхийн вәндтәйлдты, айлат ёх верәт ләщәтты департамент кәщә хә Алексей Дренин, Югорской государственной университет кәщә хә Роман Кучин, онлайн щирн вәйтәнтупсыин вәлум Сәрханл вош государственной университет кәщә хә Сергей Косенок па Сәрханл вош политехнической колледж кәщә хә Вадим Шутов мирхот версәт па айкел тәсәт, муй щирн тәм пұш Югра мұвев луватн арсыр тәхетн няврәмәт вәндтәты питлүйт.

Муй щирн тәм пұш няврәмәт вәндтәты питлүйт

Сырья ийха әктәшум айкел әкәтты хәннәхуятәт елпийн А. Дренин путәртәс. Лұв ясәңләл эвәлт уша йис, хуты тәм пұш йилпа юхәтты вәндтәйлдты ол, катра пурайт иты, ищи лыпәт хойты тылғаш оләңмит хәтәлн ләщәтлә. Арсыр тәхетн округев луватн вәндтәты пухәт па эвет хәтл мәр әшколаита па колледжәта муй университетәта яңхты питлүйт. Щи тумпийн па немудты йилуп вер па ән верлә.



Н. Рагимова верум хур

Коронавирус муй па мәш верәт эвәлт кашәң пұш лавләсты мосл, елды округев няврәмәта ищиты ймсыева вәндтәйлдты рәхл. Онлайн щирн, юлн вәлман, мосәң, па мулткәем айлат ёх тәм пұш арсыр вәндтәты вер ләщәтты пиньщәл.

Щимәщ вер тәп щи пураин питты веритл, хән иләм-кәтләм пух муй эви мулды класс хуща коронавирүс мәшн юхәтлүйт. Тәп щи пураин классәл тәләңтелн иса кәт ләпәт мәр онлайн щирелн вәндтәйлдты юхи китлүйт. Хән па мәш верләл, ймәлдүйт, дыв ищи вәндтәйлдты яңхты щирәт йилпа мушатлүйт.

Щәлдта А.Дренин лупәс, хуты тәм пұш округев луваттәин араттелн 322 әшкола пұншлы. Щи тумпийн кәт йилуп әшкола хот па ләщәтсы: тәта мосванән ит Сәрханл вән вошн пұншы, кимит ут – Неф-

теюганской районән. Тәм ол сухәнты кемн мәтты ки хәлум йилуп әшкола хот па рәпитты питлүйт: и ут ищиты Сәрханлән па кәт няврәмәт вәндтәты хотәң Ёмвошн йилпа па пұншлүйңән. Ай няврәмәт лавәлды хотәт оләңән ищиты йма верәт мәнлүйт. Кәт детской садик пұншы па тәм ол сухәнты кемн кәт ут па йилпа омәсды.

Тәм пұш мұң автономной округев әшколаита араттелн 240 щурәс айлат пух па эви вәндтәйлдты мәнлүйт. Дыв эвәлтәлә 27 щурәс – щит мет оләңмит классәта мәнты няврәмәт.

Юхи хәшум вет ол мәр кашәң ол щурәскәем айлат ёха, мәта пухәт-эвет әшколая мәнлүйт, иса аршәка йил. Югра мұвев университетәтн муй па колледжәтн тәм ол 45 щурәс айлат хуят

вәндтәйлдты питл. Па дыв эвәлтәлә йртәң щурәс пух па эви – щит мет оләң пұш арсыр вәндтәты тәхета юхтум хәннәхуятәт. Коронавирүс мәш верәт оләңән ищи арсыр нумсәт вәсәт. Вәндтәты тәхетн рәпитты ёх иса вантман па арталуман тәйты питлүйт. Мәтты няврәмеие класс эвәлт мәш верн ки питлы, щит кәт ләпәт мәр щи классәң пухәт па эвет онлайн щирн, юлн омәсман, вәндтәйлдты китлүйт.

Елды айкеләт әкәтты хәннәхуятәт елпийн Югорской государственной университет кәщә хә Р. Кучин ясәң тәс. Лұв путәртәс, хуты дыв хущәлә тәм пұш 24 направления щирн айлат хуятәт вәндтәты питлүйт. Щәлдта 10 магистерской направления ищиты щи рәпитлүйт. «Специалитет» па «бакалавриат» нәмур

программа щирәт ищи вәлдүйт. Университетн ин ймкәем арат бюджетной вәндтәйлдты тәхи мәсы.

Округев кәщәйт вулаң нәтупсы унтасн 20 процента араткәем первокурсникәт елды вәндтәты щирәт дывәлә холумсәт. Тәм күтәтн дыв хущәлә айлат пухәт па эвет «юриспруденция», «экономика» па гуманитарной тәхета вәндтәйлдты мәнлүйт.

Щеңк ар айлат хәннәхә «лингвистика» тәхия хәншәньщәс па щи вер оләңән щи тәхи нух питәс. Велщи юхәтты няврәмәт ар пеләк «журналистика» па «филология» тәхета вәндтәйлдты мәнты нәмәслүйт.

Технической направления щирәтн, щит «нефтегазовое дело», щәлдта «энергетика» па «техносферная безопасность» ищи ушәң-сашәң айлат ёх вәндтәты юхәтлүйт. Щи тумпийн «информатика» па «программная инженерия» хуща ищиты ймкәем арат пух па эви вәндтәйлдты ләңхал.

Вантә, тәм юхи хәшум оләтн Югорской государственной университет хуща рәпитты хәннәхуятәт Югра мұвев пәта арсыр рәпата верты айлат ёх тәса па ймсыева вәндтәты питсәт.

Путәр хәншәс:
Владимир Енов



Сүмәтвош район архив тәхи 85 ола йис

История такды наука әнтәм, архивәт такды история ән тывл.

– М.Н. Покровский,
российской историк

Тәм ол Ас хәлты тыләшн Сүмәтвош район архив тәхи тывум вүш эвәлт 85 ол постәсы.

1935-мит одн лыпәт хойты тыләш 23-мит хәтлән №223 «Известия» нәпекн айкел хәншысы. Ши айкел хәншәс Москва хон вош эвәлт кәсна хот юкана Сүмәтвоша китум хә Виктор Викторович Гулидов. Сүмәтвош ши пурайн Остяко-Вогульской округ пила Омской область тәхия луңман вәс.

Лүв хәншәс:

» Омской область Остяко-Вогульской округ Берёзово вошн тынәң нәпекәт вәлдәт, мәта утәт хұват йис вәлупсы уша верты рәхл. Щәта йис вәлупсы олаңән нәпекәт, декабристәт киникайт, сәран ех хәншты вер тывум олаңән па па арсыр мосты нәпекәт ләваса улдәт. Ашнәда вәлты мир ши нәпекәт мәншәлдал, итәх нәпекәт худт пелы тәсыйт.

Ешавәс Сүмәтвош исполнительный комитет тәхия Омской область архив эвәлт немәсыя нәпек юхтәс. Щәта хәншман вәс:

» Тәмхәтл мүң Москва вош «Центральное архивное управление» тәхи эвәлт телеграмма нәпекн китсыюв: «Сүмәтвошн архив нәпекәт сора кешитүңширәңа ләщәтты мосл, «Известия» нәпекн айкел лыпәт хойты тыләш 23-митн». Муй пәта нын



И.П. Рочев

немәлт ән верләты, ләдн мосты нәпекәт шавиты...».

Районной исполнительный комитетн рәпитты еха сорашәк архивной нәпекәт йамсыева ләщәтты мосәс па немәсыя тәхи вәйтты, хута тәм нәпекәт шавиман тайты пилдәйт. Ши тумпи немәсыя хәннәхә ши вер пәта вәйтты мосәс.

1936-мит ол Ас хәлты тыләш вүш эвәлт щимәш хәннәхә ләдн рәпитты ат питәс па 150 шойт тыләш вух лүвела сухуптәты мосәс. Тәм поступсы щирн немәлт ән верләт ки, вунавәт ех сутытдыт.

Мет олаң кәща хәя Сүмәтвош районной архив хуца Иван Павлович Рочев павәтсы, лүв комсомольца вәс. Щәлта 1937-мит одн



Сүмәтвош район музей па архив хот

ВЭЯТН ШИ ОЛӘҢҢ

Мүң округевн мет олаң архив вер 1934-мит одн ай тәхет потты тыләш олаңмит хәтлән тывәс. Олаңлн щит әл архивной бюро вәс, 1940-мит одн Ёмвош округ государственной архива немәтсы. Олаң кәща нәңа щәта К. Пискарёва вәс. 1935-мит ол мәр щив шавиты пәта 750 арат нәпек әкәтсы, 1936-1938-мит олат мәр – 7 шурәс арсыр нәпек.

лүв Ләв кәрта «Красный чум» тәхия рәпитты китсы.

Мет олаң архив хот Сүмәтвош казначейства пәта омсылум кирмәш ай хотыенән Собянина вош хулуйн вәс.

Муйсәр мет олаң нәпекәт архивн вәсәт, ищи ши олаңән немәлт уш әнтәм. Ши нәпекәт Ёмвош, Тәпәл вош, Омск, Екатеринбург архивәта тәсыйт. Ищиты хән Микояновской (Октябрьской) район версы, 1938-мит одн итәх нәпекәт щив мәсыйт па 1992-1994-мит олатн Нуви сәңхум район архив тәхия.

1949-мит одн районной архивн 21 архивной фонд, щит 2552 нәпек шавиман вәс. Архив хот ши пурайн ән хошмәлсы. 1973-мит одн йилуп Совет хот

омәссы па ши хотн архив пәта хот йит мәсы.

Архивн тәмхәтл Сүмәтвош районной Совет па исполнительный комитет, район кәща хот, Сүмәтвош район дума, мұвәт-автәт вантты комитет, кәртәң советәт, арсыр рәпитты тәхет нәпекәт лавәлман па шавиман тайлдыт. Районной архив тәхи ин йилуп йм хотн вәл. Кашәң ол архив пәта йилуп шүңкәт ләтдыт, ләдн мосты нәпекәт тәс щирн тайты.

Кашәң әл хәннәхә сыры олатн мулты тывум верәт олаңән уша верты ләңхал ки, муй лүвела мосты нәпек мосл ки, лүв архив тәхия йәңхты па мосты нәпек еша павәтты веритл.

Путәр хәншәс:
Надежда Вах



^ Айдат ёх аня лыптат омăслăт



^ Хот пўндăт сыстамтлăт. Интернет эвăлт вўюм хурчăн

Айдат ёх ван мър рэпитты верăт олаңан

Кашăң ол округев луватн айлат ёх пăта ван мър рэпитты верăт лэщăтлыйт. Ши пурайн 14-18 ол луват нявремăт аң вэнлтыйлты мър рэпитты па ёша вух павăтты веритлăт. Мосл, лăлн айлат хуятăт кеншăк рэпатайн ат рэпитсăт па мулты арум ут лыв пилэла ши пурайн ал тывăс. Россия мўв Трудовой кодекс щирн айлат ёх 14 тăл вўш эвăлт рэпитты щир тăйлăт.

Муй щирн айлат ёха рэпитты вер сухуптăлы?

Лыв вэн хуятăт иты ищи щимăщ окладн пундыйт, тăп ши арат вухн сухуптăлдыйт, муй арат щос рэпитсăт. Рэпата нормаел айшăк (Россия мўв Трудовой кодекс 270 статья щирн).

Муй арат щос хăтл мър лыв рэпитты веритлăт?

◆ ашколайн вэнлтыйлты пурайн: 14-16 тăл нявремăт – хăтл мър 2,5 щос; 16-18 тăл айлат ёх – хăтл мър 4 щос;

◆ каникула пурайн: 14-15 тăл нявремăт – хăтл мър 4 щос; 15-16 тăл айлат хуятăт – хăтл мър 5 щос; 16-18 тăл айлат ёх – хăтл мър 7 щос.

Мăта рэпата верăт лыв лэщăтты веритлăт?

Кен рэпата, мăта ут пурайн вэнлтыйлты верелтўн, щирăңа елды мăнл; вош

хулэтсыстамтты вер; хотăт омăсты муй па лэщăтты верăт; пишмайт, мосты непека́т хăннехуятăта муй рэпата тăхета тэты па хăншты рэпата; мулты турнăт омăсты па енмăлты, войт тăйты верăт; реклама лэщăтты верăт.

Мăта рэпатайн нявремăта аң рăхл рэпитты?

Россия мўв Трудовой кодекс 265 статья щирн: лавăрт рэпата, мăта пурайн мѣшмăлтыйлты веритлăт, мўв илпийн рэпитты, атăлн рэпитты тăхетн, вўна, шар тыныты па нявремăт пăта аң рăхты тăхетн, ши тумпи ши тăхетн, хута 18 тăл луват айлат ёха рэпитты аң рăхл. (щит Россия мўв Правительства № 163 поступсыйн, мăта ут 2000-мит ол тэнлуп тылăщ 25-митн вўсы); шеңк лавăрт пурмăс алдыты тăхетн (щит Россия мўв рэпата па социальной развития министерства 1999-мит олн вэн кертылăщ 7-митн

вўюм №7 поступсыйн хăншман вэл); вахта щирн рэпитты тăхетн; кăт муй па ши тумпи ар тăхетн рэпитты щирн; арсыр религиозной тăхетн.

Мăта тăхета айлат ёх рэпитты вўлдыт?

Турнăт, аня лыптăт, юхăт енмăлты рэпата; нѣтăсты рэпатнек; вѣлды хотăт пўнăлн рэпитты хуят; мосты пишмайт, непека́т хăннехуятăта муй па рэпитты тăхета тэтыдыты хуят; электронно-вычислительной машинайт пилă рэпитты хуят; хот пўндăт сыстамтты хѣ; рэпитты тăхетн хотхăрет люхитты па яма лэщăтты хуят; промоутер хуят.

«Ханты-Мансийский центр занятости населения» тăхийн рэпата кăншты 14-18 тăла ювум айлат хуята мосты нѣтупсы лэщăтды, лăлн лыв рўтыщăтэл пурайн мосты рэпата ат вѣйтсăт. Ши пăта «Центр занятости» тăхи па айлат ёх пилă

рэпитты тăхи кўтэлн кашашты непека́т хăншсăт. Ищиты кăши-мѣш тăйты нявремăт рэпатайн вѣйтты «Преобразование» тăхи пилă, мăта ут инвалидăт пилă рэпитл, ищи щимăщ непека́т хăншсăт. «Организационно-методический центр» (Ёмвош район) Нялинское, Согом, Сибирской, Выкатной кертăтн культура тăхет пилă кашашты непека́т вўсăт.

2021-мит ол лапăт тылăщ мър Ёмвошн 675 айлат хуят рэпата тăхийн вѣйтсыйт, Ханты-Мансийской районан – 406 айлат хуят.

Мулты мосты ут уша верты тăм карты кел хуват рăхл: «Ханты-Мансийский центр занятости населения»: 8 (3467) 32-21-88 (доб. 215, 216).

«Ханты-Мансийский Центр занятости населения» айкел

Ханты ясаңа тулмащăт:
Надежда Вах



Даль пурайн енмәс

Касум вошн вэлты хәнты хә Василий Иванович Григорьев вәйт лор тылщ 12-мит хәтлән 80 ола йис. Лүв 42 ол, мәр рәт мүвәлдн рәпитәс. Интәм рүтьшуман вәл.

Ащел Иван Григорьевич Григорьев хәнты семьяйн сема питәс па енмәс. Лүв вой па хүд велпәсдуман вәс. Айлат пураедн Ульяна Курикова хәнты не имия вүс. Нял няврем тайсәңән, и пушхиян ай пурайн әнтәма йис. Щит лавәрт даль пура оләт вәсәт, ар няврем кәши-мәш эвәлт сурма питсәт. Хәлүм няврем вәна енумсәт. Вән пухән Иван вәс, кимит Екатерина эвән, Василий Иванович хәлмит няврема вәс. Ин хәлүм няврем эвәлт тәп лүв хәщәс. Щиты Василий Григорьев әңкел оләңән путәртәс:

» Әңкем Щуйл кәртән сема питәс па енмәс. Щәлта Мосум мұва әңкелн тәсы. Ащем пида яха мәнмал юпийн лын Помәт кәрта касәлсәт. Щирн ма ай пура олдам щәта ши мәнсәт. Ма 1941-мит олн сема питсум. Даль тывәс. Ма тәп хәт тылща йисум, ащем дая тәсы. Щиты лүв юхи ән юхтәс. Ленинградской область Вороново кәртән шависы. Әңкемн енмәлсыюм.

Василий Иванович ай пурайдн кәшитәс, иса урма йис. Лавәрт даль пурайн дөтүт ар әнтәм вәс. Щиты нявремәт кәшитман енумсәт.

» Ям, хуты мұң вәнтән вәсүв, хүд велпәсдәсүв. Хүд левман вәсүв. Ма ай пураёмн әңкема иса вәрәтн нәтсум. Помәт кәртән әшколайн нял класс вәнты вәндтәйлсум. Щәлта Касум воша интерната



▲ В.И. Григорьев. Н. Рагимова верум хур

тәсыюм. Рүщ ясәңән иса ән путәртсум. Щәта тәп ветмит па хәтмит классән олшәп вәндтәйлсум. Юхи мәнсум па елды иса ән вәндтәйлсум. Упем па яюм иши Касум вошн вәсәңән, щирн юхи әңкема нәтты мәнсум. Воньшумут яха әкәтсумн, хүд велсумн. Әңкем щәлта кимит пүш икия мәнәс, щит Иван Максимович Лозьямов вәс. Лүв иши әңкема нәтәс.

Василий Иванович еша вәна йис па Касум воша рәпитты мәнәс. Арсыр тәхетн рәпитәс – тütюх эвтәс, турн хәрн хот войт пәта турн ләщәтәс, тухәлдн хүд велпәсдәс. Ар лавәрт рәпата вәрәс, ши пурайн иса нявремәт щиты рәпитсәт.

Әхәтшәк именеңа йис, щит Ульяна Антоновна (эви опрацнемл Тарлина). Лүв Хүлдор эвәлт вәс, щирн пидңән Хүлдора вәлты мәнсәңән.

» Хүлдорн ар мир, ар

пирәщ хуят ши пурайн вәсәт. Иса рәпитсәт, хүд велпәсдәсәт. Ма вухсәр енмәлты хотн рәпитсум. Хәлүм ол мәр щәта вәсүв. Вән пухемн сема питәс. Щәлта Касум воша касәлсүв. Хотәт омәсман рәпитсум. Столярный цех хуши 32 ол мәр Касум вошеви йилуп хотәт пәта ишнет па овәт версум. Ши тумпи па тәхетн рәпитман вәсум. Ияха ки лүңәтты 42 ол мәр рәпитсум.

Яма па каркама ар ол рәпитмәл пәта Василий Григорьев «Ветеран труда» немн мәсы.

Ульяна Антоновна па Василий Иванович Григорьевңән хәт няврем енмәлсәңән: Пётр, Любовь, Светлана, Андрей, Александр па Валентина.

Итәхәт Касум вошн, итәхәт Нуви сәңхум вошн интәм вәлдәт па рәпитләт. Ульяна Антоновна 2000-мит олн әнтәма йис. Мет ай эвән Валентина

Григорьева ин ащел пида вәл, лүв кәт няврем енмәлтәс, хилне тайл. Лүв хәс ол мәр күлупн хот хәрет дүхитман рәпитл. Вән эвел икия мәнәс па семьяйл, пида Ростовской область хуши вәл. Кимит эвел хәтмит классән вәндтәйл. Валентина Васильевна щиты ащел оләңән путәртәс:

» Лүв рүтьщәты мәнмал юпийн юдн вәрды иса ән омәсл. Тәлдн хотәв пүңәлдн хәрәв доныщ эвәлт сыстамтәл, сыстам йиңк юхи тәл. Тәта ванән вәнтән хот тайлүв. Тәлдн щив «Буря» немпи тütәң хопн яңхәл, лүңән моторәң хопн кимит шәп щос щив яңхты мосл. Щәта лүв хүд велпәсдәл. Яйдам иши лүв пиләда яңхийлдәт. Тәп тәм ванән лүв ил рәкнәс, ин шәншәл кәшитл. Ешавәл, алпа, ямашәка йил, па ши щив яңхты питл.

Мосл лупты, Валентина Григорьева сорни ешңән тайл. Лүв айтәдн хурамәң тütшәң хирәт, аканят па па ай пурмәсәт ентәл. Лүв ши вера әңкелн вәндтәсы. Касум вошн мулты мирхотәт неңәт пәта вәрәнтлүйт ки, лүв иса щив яңхәл па йилуп вәрәт уша павәтл.

Василий Иванович ар хилы па хилы тумпи хилы тайл. Лыв щатәщәцәла па аңщәцәла ванкүтлы мойңа юхтәйлдәт, иса вәрәтн нәтләт.

Ма ләңхәлүм лүвела сема питум хәтләл пәта ар тәпәң ясәңән лупты. Рәт ехләлдн иса пурайн нәтман ат тайлы. Кашәң хәтл лүвела амәт, уй, ям па ущхүл вәр ат тәл. Тәлаң еш, тәлаң күр! Тәрум Ащийн лавәлдман ат тайлы!

Путәр хәншәс:
Надежда Рагимова



Увас имет кўтн ар хуят сак кярятты хошлат па арсыр хурамат верты. Ичимаш ими пида ма Ханты-Муши кертан «Ван ретат» немпи ханты мир ариты-якты, етнхот алыты фестиваль пурайн ванлтупсыйн вейтантыйлсум. Немд Зинаида Семёновна Пырысева, эви опрацнемл Ларионова вэс, лўв саран ими, Ямал мўв Лорвош район Ямкерт хуца вэл.

Сак кярятты саман имие

Зинаида Семёновна, еша нан олценан путарта, хута нан сема питсан, енумсан, нан ацкен-ацен олжан еша путарта?

► Ма вейт дор тылаш 24-мит хатлан 1956-мит олн Ямкертан сема питсум. Маргарита Фёдоровна па Семён Алексеевич Ларионован ацкем-ацеме совхозн рэпитсацан. Мўн семьяевн ар няврём вэс, ин тэп кат хуят хашсумн. Мўн ар хот вой тайсўв, ширн айтелн ацкема-ацема турн сэварты нётсўв. Лўн пурайн тўт юх сэварсўв. Яйлам ацеме пида хўл па вой велпаслсат, мўн, эвет, ацкема хот рэпата верты нётсўв. Шиты рэпатайц еха енумсўв.

Ашкола етшуптумем юпийн ма имухты кертан пельницаевн санитаркая рэпитты олцитсум, ши рэпатаема 30 олдам масдам.

Тата ма икеца ийсум, Максим Григорьевич Пырысев икем иши Ямкертан хэ, тата енамс, ашкола етшуптас, шалта Пулцават вошн кина алыты вера вэнлтылдас. Юхлы керлдас па кертан культура хотн кина ванлтас, шалта войхўл велпаслсат.

Мин икем пида 43 ол вэсумн, ийха 9 няврём енамлсумн, ин лыв худыева вэна ийсат, арсыр вошатн па кертантн вэллат па рэпитлат. 1,5 ол юхлы икем антэма ийс.

Кашан лўн ма хуцэма 19 хилы па кат хилы тумпи хилы мойца юхтыйлдат.



▲ З.С. Пырысева тўрдопсат тыныйл. Л. Гурьева верум хур

Ешавэл хэдмит хилы тумпи хилы сема питл.

Хан нан сак кярятман хураман тўрдопсат па па утат верты питсан?

► Ма айтелн вантсум, хуты ханты эвет сак кярятман арсыр хураман тўрдопсат па па утат верлат. Ма ши пелэла вантсум па иши 16 ола ювмемн ши вера вэнлтыйлсум. Шит 1972-мит олн вэс. Ши пура вўш эвалт арсыр хурамат кярятлум. Мет сыры ацкема, упидама, апцидама арсыр хураман тўрдопсат версум, шалта лейндама мойлупсы юкана мойлаты питсум. Ин кертан имет вохлат ки, ма лывела верлум.

Рэпитмем пурайн ма пельница эвалт юхи юхтыйлсум, мет сыры хот рэпата версум, няврёмдам лапатсум, шалта етн сак кярятсум, ентсум, тыйсум, шиты ма рўтыщасум. Няврёмдам ма ентум

муй тыюм лэматсухатн янхсат.

Эхат ма арсыр еман хатлата вохты питсыюм, шата ванлтупсы лэщатыйлсум, тўрдопсат тынысум. Лыв арсыр тын тайлат, 500-3500 шойт. И тўрдопсма и тылашкем кярятлум. Итэх пурайн лэтты ех луплат, матты ки, шецк тынан. Ма лывела юхлы ясталум, хуты шит ма ешчаламн верум хурамат.

Ма тўрдопсат тумпи сак эвалт хураман хурат ентлум, аня лыптат па па сыр-сыр утат верлум.

Арсыр вошата, кертата янхтем пурайн ма мет сыры дапкайн сак лэтлум. Ванкўтлы Асов кертан лэтлум, тата ар верантты ими вэл, ширн тыв ванкўтлы сак тэтыялы.

Мўн ашколаевн, интернатэвн эвет иши кружокн сак эвалт арсыр тўрдопсат верты вэнлтыйллат. Интам ма эвидам па хилнедам сак пида рэпитты вэнлталум. Хилыдам эви нем

пида сакан браслет верлат па лейндада мойлалат. Ван хилнецием сак эвалт хураман хурат ентал, шитат ванлтупсыйн иши вэллат.

Ши тумпи Ямкертан имет пида сак кярятман акташты питсўв, культура хотн немасья «Сакан тахи» лэщатсўв. Интам мўн кертан имийн Валентина Васильевна Рочевайн станок хуца йилуп ширн сак кярятты вэнлталыюв.

Зинаида Семёновна, нан ши арат няврём енамлсан, ши арат ол пельницайн санитаркая рэпитсан, мулты ишакты непекат тайлан?

► Па муй. Ар няврём тайты пата халум мевл постайлум. Ар ол мир лекцитмем пата «Ветеран труда», ши тумпи ар ишакты непекат тайлум.

Тэнял Лорвош район кэща эвалт ишакты непек еша холумсум. Ши тумпи ванлтупсэта янхтем пурайн ма иши шуши мир культура тэты пата, арсыр хураман пурмасдам пата ишакты непекат еша холумлум.

Зинаида Семёновна, вейт дор тылаш 24-мит нан 65 ола йилан! Сема питум хатлэн пида! Елды уяна-пищана, тумтака, хўв ийс нэпат вэда!

Путар ханшас:
Людмила Гурьева



Касум вошн ёмәңхәтл вәс



Икет хоп әңхәшты вер ванлтәләт



Неңәт хұл няхәсләт. Е. Федотова китум хурәт

Нуви сәңхум район Касум вошн хәлмит ол мўвтел шуши мирәт ёмәңхәтлән «Югра мўевн хұл велпәсләты вер» немпи ёмәңхәтл верәнтлы. 2020-мит олн пандемия пәта ши хәтл онлайн ширн верәнтсы. Тәм олн мирхот сыры иты мәнәс, тәп шеңк ар хуят шив ән вохсы.

Ёмәңхәтл пурайн арсыр вәндтәйлды хәрәт верәнтсийт. Ши хәтлән тәм ванән верум сохәл ваньшты нурум мира ванлтәсы. Хутыса ши ут верты мосл, ши оләңән хәнты хә Андрей Александрович Ерныхов путәртәс. Лўв айлат пураялн шимәщ утн сохләт ваньщәс па эвтәс, щиты лўв рәпитты оләңитәс. Лўв Евгений Тарлин пида ванлтәсәң, хутыса ши утн павәртәт эвәтты мосл. Йис пурайн ши утн хоп пәта юх эвәтсы.

Па хәрн мойң әх уша павәтсәт, хутыса йис пурайн хәл әңх версәт. Интәм вәлупсийн хәннехә әңх ән әкәтл па юлн ши ут пида немәлт ән верл. Мосл лупты, ХХ-мит йис күтуп вәнты хәл әңх мир версәт, щит аюм юкана тайсы, щәлта хопәт әңхәщсәт.

Щиты әңх версы: олңәлн хәл юх еша эвәтсы, ши эвәлт әңх етәс, ши юпийн лўв сусма ювәнтәс. Щәлта ши питы сусум утәт әкәтсәт па вән пўтн кавәртсәт, кәр па юх эвәлт сыстамтсәт.

Верум әңх сусма йил, щиты хўв мәр тайсы.

Хән хоп әңхәшты мосәс, щит хошмәлсәт па хоп нерсәт. Щиты хопа йиңк ән пил.

Щәлта ёмәңхәтлән па тәхийн неңәт хұл сух верты вәндтәсәт, хұл шәнш лўвәт эвәлт түрлөпсәт версәт па тунтыйн хұл хәншсәт.

Па тәхетн мойң әх уша павәтсәт, хутыса хұл няхәсты, эвәтты мосл, хутыса шәмәх, юхәл, хұл вуй верты, хутыса нянь кәрн хұл кавәртты.

Щәлта айдорнюрнхопн хәтәтәлясәт, щит шеңк сора йира керәтты хоп, ши утн кашәң хәннехә йма йңхты шир ән тайл. Амня юханән мойң әх сәран хопн тәтәлясийт. Ши вән хоп шимәщ ёмәңхәтлән 2019-мит олн верәнтсы, Андрей Александрович па Николай Ерныховңән ванлтәсәң, хутыса щит верты мосл.

Ёмәңхәтл пурайн нявремәт пәта юнтты хәр вәс, лыв уша павәтсәт, хутыса арсыр хұләт хәнты ширн алыщәсийт. Щәлта юх

ВЭЯТН ШИ ОЛӘҢҢ

Мет оләң пўш сохәл эвәтты ут бронзовой йисн верәнтсы. Кәт хәннехә ши утн сохләт ваньщсәңән, щитәт эвәлт тўтәң хопәт верәнтсийт. Касум вошн хұл велпәсләты тәхетн ишимәщ утәт вәсәт. 1960-мит оләтн Осётные кәртән Андрей Ерныхов щимәщ утн рәпитәс, Михаил Песков пида сохләт ваньщсәңән па эвәтсәңән.



М.И. Игишева

эвәлт верум хұл олюпн нерсәт.

Хәнты хотн Харсурт Еня (Евгения Салахова) мойң хуятәт лавләс, лўв моньщ моньщәс, хутыса сорт ухәл верәс.

Щәлта мирхот пурайн ванлтупсы верәнтсы, юхтум мир уша павәтсәт, муйсәр утәтн хәнтәт хұл велпәсләдәт.

Етн пәда мойң әх Амня юханән тухәлн хұл велпәсләты шир тайсәт. Велум хұл лыв пәнән вуйлясәт, ләлн юлн арсыр епләң летут кавәртты.

Ёмәңхәтл «Касум әх» тәхи әх, «Ильбигорская», «Осетные», «Нярса» общинайт па «Люкан», «Пўпи» тәхеңән әх ийха ләщәтсәт. «Страшко» ИП тәхи әх сохәл ваньшты нурум верты пәта юх павәртәт мәсәт.

Елена Федотова хәншум пугәр хәнты ясаңа тулмащтәс:
Надежда Рагимова



Хэнтэт пида рэпитл

Евгений Михайлов пида ма сыры вэйтантайлсум Муши вошн Лорвош районан, хэн рэпатаём щирн щив яңхсум. Мосл лупты, хуты тэм хэ ар ол мэр сельской хозяйство па шуши мир верат тахи кэща хэя Лорвош районан вэл па иса хэнтэт пида рэпитл. Кашаң ай муй вэншақ вер тэса лэщатты, дэрэмтты пата хэннехуятат лүв хущеда йилдт, веритты кемн иса мулды щирн нётл па хуятатн самана тайлы.

Вэйтантайлдемн лүв-вел тэм рэпатайл па вэлупсэл олаңан иньшассем.

Евгений Александрович, мэтты айкел, наң вэлупсэн олаңан путарта?

► Ма советской дащ пур-райн Муши вошн сема питсум, аңкем – саран ими, ащем – рүщ хэ. Хэтл мэр иса ай нявремат давалты хота аңкем-нащемн тэтыясыом. Эхат тата Муши вошаң кутуп ашкола етшуптасум.

Щалта Тюменской сельскозяйственной академия тахийн «экономист» щира вет ол мэр вэнлтыйлсум па юхи юхатсум. Мет олаңан рэпата ан тайсум, щипата 2007-мит ол эвалт па 2009-мит ол ванта «Северная панорама» немуп районной газетайн айкелат лэщатты хэя вэсум. И ол мэр Россия мўев давалты армияя яңхсум. Тэнлуп тылащ 2010-мит ол вүш эвалт Лорвош районан кэща хот тахийн жилищно-коммунальной тахи хуща ямкем арат ол рэпитсум. Щипа юпийн 2017-мит олн сельской хозяйство па шуши мир верат тахи кэщяя пунсыюм.

Хэнтэт нын районан хуща муйсар тахетн ин вэлдт па рэпитлдат?

► Ма щиремн, мосл щипа вер олаңан сырыя нэмалматы, хуты Лорвош районан ямкем ар ханты вэл.

Ямсыева ки лүна́тты, 45-кем процента арат тата вэлты арсыр мират кутн, щитар пелак шуши хуятат. Лыв тамхатл вэнты вой-хул велпаслалат па вүды давалман яңхлат.

Кат тахийн Лорвош районэв луватн вүды тащатмүң тамхатлтайлүв, щит: «Мужевской» па «Горковской» совхозаң. «Мужевской» совхоз хуща вүды тащ давалты хэт бригада рэпитл. Лыв хущеда нивл щурас щит иса совхоз вүлэт па нялкем щурас вүды – щит щипа тащатн яңхты ханты муй саран ех дыв юканэда тайты вүдыдал. Щата рэпитты ех совхоз па дыв юканэл вүлэт и тащ щирелн ямсыева давалман па вантман тайлат. «Горковской» совхозн вет щурас – щит совхоз вүлэт па щалта нялкем мулдас щурас вүды – щит тащ пила рэпитты хуятат юкан вүдыдал. Щитат ищиты и тащ щирн тамхатл вэнты тэса па яма тайлыит. Щалта хулыева ийха ки лүна́тты, щит па араттелн, алпа, 21 щураскем вүдыя питл.

Ар пелак ханты ех ищипа йис вүшат па иса тэм юхи хашум олат вэнты вой-хул велпаслудман вэлдт. Катра дыв тал пур-райн еңк илпийн ищиты хул велпасласат па арсыр хулматы планат яма текнуптасат. Там йисн па, вантэ, щимаш вер антэм. Ин тэп лүң тылшат манты пураитн дыв хулыева ар хул велдт, дыв юкан пландал иса текнуптат. Щимаш вер пата талн



▲ Е.А. Михайлов. В. Енов верум хур

ал, щиты юлн рүтышуман омаслат.

Мосл лупты, хуты велпаслаты хуятат тэп Асэв хуща еңкэт нопатлыит, йиңкев сыстама йил, велщипа хул велпас верата катласлат. Щалта па лүң тылшат манты мэр велпаслалат. Хэн йинкал доратн нух сорты питл, дыв Вэн муй Ай Асэв хуща холпат омаслат па ищиты хул велдт. Там йисн, вантэ, Ас хуща нопатлыит ан па есаллыит. Щимаш верат пата тэп ал холпатн ханты ех велпаслаты веритлат.

Евгений Александрович, муйсар нүша верат пида наң хущеда хэнтэт пура-пураин юхтылдат па наңен иньшаслат?

► Мүң рэпитты тахев елпийн Ямал мўв округев эвалт арсыр поступсэт вуйман тайлыит, щипата закон версы, ханшы: «Кашаң шуши хуята, мата хэннехэ вой-хул велпас па вүды тащатн яңхал, иса нётты мосл». Елды па сырыр пурмасат, ламатсухат

нух ханшман вэлдт, мата утат таклы шуши мир хуятата вэлупсы хуватн давалтаңа лэлн вэлты-холты йис. Щипата ех муң хущеда мосты пур-райн юхатлат па вохты непекат ханшлат, хута айкел верлат, муйсар пурмасат муй ламатсухат дыведа тэм кутн шеңк мослат. Эхат муң тата ийха акташлүв, ямсыева па тэса кашаң хоттел хуятат ханшум непекат арталалүв, щипа вер юпийн велши кашаң заявления щирн арсыр нётупсэт хэннехуятата верлүв. Вантэ, нётупсэв унтасн вой-хул велпас, вүды тащатн вэлты хэнтэта кеншака дыв вэлты-холты щирдал питлат. Итэх кутатн немасыя хувн вэлты ай картата яңхлуд па иньшаслуд хуятат, муйсар вератн елды пела дывел ищипа нётты па пүш веритлүв. Манема ал хэннехуятат пида кашаң пүш амаш рэпитты. Ма щиремн, шеңк ям рэпата тайлум!

Путар ханшас:
Владимир Енов



Йис пурмăсăт ака́тты па шавиты «Торум Маа» та́хи ёх та́м о́л Шуши мирăт хăтл вўраңан немасыя «Ёшн путăртлўв...» немпи кăсупсы верăнтсăт. Иса кăсупсыя округев нъл район эвăлт 14 рэпата китсы. Щит Нуви сăңхум, Сўмăтвош, Нижневартовской па Сърханл районăт эвăлт шуши хуятăт ай кинайт вўсăт.

«Ёшн путăртлўв...» кăсупсы вэс

«Торум Маа» та́хи кэща не Людмила Алфёрова та́м кăсупсы олаңан щиты лупăс:

» *Ма пăтема щит мет тынаң кăсупсы. Та́м кăсупсы мухты уша йил, хуты ай кэртăтн, Тэк муй Тром-Аган хуши вертутăң хуятăт вэлдăт. Лыв мўң «Торум Маа» музейев пила лăхсăңа вэлдăт, иса арсыр кăсупсэтн кăслăт, мирхотăта, ванлтупсэта юхтылдăт. Мўң па кашăң пурайн лыв пăтэла йилуп верăт верлўв, йилуп кăсупсэт лэщăтлўв.*

Наука щирн «Торум Маа» та́хийн рэпитты не Раиса Решетникова та́м кăсупсы олаңан ищи ясăң тэс. Лўв лупăс:

» *Та́м кăсупсы «Ёшн путăртлўв...» мўң Шуши мирăт хăтл пăта лэщăтсўв. Мўң хущева нъл район эвăлт 14 рэпата китсы. Ма нэмăслум, хуты ин лўң пурайн итэх хуятăт рўтьщăты па мўвăта мăнсăт, мосăң, а́н хэлсэл*



М. Табун Отшамовăт рэт олаңан кина вўс

та́м кăсупсы олаңан. Па пурайн лыв ищи та́мăщ кăсупсэтн кăсты питлăт. Лăңхалум лупты, шеңк я́м рэпата Сўмăтвош район эвăлт Марина Табун китăс. Лўв рэпатайл олаң та́хия питăс, Тэк кэртăң Отшамовăт рэт олаңан ай кина вўс.

Я́м рэпата Нина Шабаршина Ваньщавăт кэрт эвăлт ванлтăс, «Вэн аңкаңки хошум ёшн» нем та́йл. Щăта хилнедал вэн

аңкаңкелн ёнтум сухăт ванлтăлăт. Лўв «Семейные традиции» щирн олаң та́хия питăс.

Кимит та́хи па та́та ищи Ваньщавăт кэртăң не Валентина Ирган вўс. Лўв «Юминăт хоттел ёх йис верăт» рэпатайн аңкел Ксения Дмитриевна Юрьева па ныйл Екатерина Дмитриевна Молданова ёнтум сухăт ванлтăс.

Нижневартовской район Аган кэрт эвăлт Олеся Крюкова па Денис Кельмин ищи эма́щ кина китсăңан. Лын ими па ики хăнты лэмăтсухăт ванлтăсăңан кимит та́хи вўсăңан.

Хэлум ай кина тыв Варьёган кэрт эвăлт Евгения Айпина китăс. Лўв хăнты па юрн лэмăтсухăт ванлтăс. Та́м кинайл «Яркий мир традиционного ремесла» номинация щирн кимит та́хия питăс. Па и ай кинайл немасыя мойлупсыйн «Шуши мир лэмăтсухăт пурмăсăт шавиты хотăтн»

щирн мăсы. Нуви сăңхум вош эвăлт вэлты неңăн Ираида Неттина па Ирина Фирсова лын ёнтум лэмăтсухдал олаңан кинайăңан китсăңан. Лын ищи немасыя мойлупсы «Ёнтăсты не» щирн ёша павăтсăңан.

Кашăң нух питум хуята «Торум Маа» музей эвăлт «Мой па щи юпийн» киника мойлăды. Па щитумпи сертификат непек мăды, мăта уг хўват лыв Ёмвоша юхăтты пурайн музей хўват тэрум пăта йнхты па пурмăсăтвантты щир та́йлăт.

» *Мўң та́м кăсупсыйн кăсум хуятăта вэн пэмащипа ясăң луплўв. Елды па ищимăщ, мосăң, па хурасуп кăсупсэт лэщăтлўв. Ма нэмăслум, хуты елды кăсупсэтн аршăк мир кăсты питлăт. Та́м ай кинайт па интернет хўват, «Торум Маа» та́хи сайт хуца, вантты рăхл, – лупăс Р. Решетникова.*

Ищиты кăсупсыйн хэлмит та́хия Фаина Комтина Сърханл район Русская кэрт эвăлт питăс. Щăлта «Яркий мир традиционного ремесла» нем щирн олаңмит та́хийн «Тăл сăх» рэпата пила Анна Белкина Нижневартовской район Аган кэрт, эвăлт мăсы. Хэлмит та́хи «Тăлн та́йты хэ молщăң» ай кина пила Анатолий Тырлин Нижневартовской район Аган кэрт эвăлт ёша павтăс.



Кимит та́хи вўюм кина

Путăр хăншăс:
Надежда Вах



Ай кэртэйн вэлты мир тўт юх таклы вэлты шир ын тайлэт. Талн ишки пурайн кэр алляты мосл. Ширн дыв лўн пурайн тўт юх лэщэтлэт. Интам лўнтаты, хутыса вэнтан ил ракнум сорум юх пайт лэщэтты, муй рэхл верты вэнтан, муй антэ.

Хутыса тўт юх лэщэтты рэхл

Федеральной поступсы хўват ил ракнум сорум юхэт ищи тўнширэнэ лэщэтты мосл. Кашан ханнехэ кэр алляты шира ши угэт лэщэтты шир тайл.

Тэп ши пурайн мосл иса тэса верты, тўт хар щата верты ын рэхл, иса хашум ай сорум нўват акэтты мосл.

Мосл вэты, тэп ил ракнум сорум юх пайт акэтты рэхл. Ши сорум юхэт, матайт дерэт ин вэнты мўн вэллэт, эвэтты ын рэхл. Щалта па ханнехэ эвум тўт юхэт вэнтан ки хашсэт, ши угэт акэтты ищи ын рэхл. Шит поступсы хўват долумты вер юкана тайлы. Мўн улты юхэт, матайт вўсты лыптэт тайлэт, эвэты ищи ын рэхл.

Итэх пурайн арум тэрумн вот шеңк пул, итэх юхэт ил мэрэмалыйт, дыв лыдэнэ вэллэт, ил питман енумлэт, щитэт эвэтты ын мосл. Щалта мулды ол мэрманл, дыв сорума ки йилэт, ши юпийн тэп велщи щитэт эвэтты шир вэл.

Мосл вэты, тэп щимаш юхэт акэтты рэхл, матайт хуши павэрт па дер катна эвэтты ын мосл.

Вэнта тўт юх акэтты манлэты ки, нынана вэты мосл, мата юхэт лэщэтты рэхл:

- ◆ юх муй юх шэп мўн улман вэл;
- ◆ юх иса сорума йис, лыптэт щата ын енумлэт, павэрт питыя, дыюма йис;
- ◆ ши юх ул ши тэхийн, хута нын елпенан па хан-



Щимаш сорум юхэт лэщэтты рэхл

нехэ щитэт ын эвтэс.

Па юхэт ханнехэ лэщэтты питл ки, лўв федеральной поступсы ширн сўтытлы.

Сорум па ил ракнум тўт юх ол мэр лэщэтты рэхл. Муй арат нынана мосл, ши арат акэтты рэхл. Шитэт лэщэтты пурайн даюм, юх

эвэтты шўңк пәнэн вўты шир ищи вэл.

Мосл вэты, тўт юх трактор тўтаң хопн акэтты ын рэхл. Мосл щиты лэщэтты, лэлн мўн енумты ай юхиет ын шўкатты.

Рўш непек хўват ханшас:
Надежда Рагимова

Йилуп киника хантэт па вухалэт одэнэн этэс

Тэнял ол ван хэтлуп тылэщн Венгрия хон пелак учёной не Марта Чепреги 70 ола йис. Ши пата лўв пилэда рэпитты ханнехуятэт немасыя хантэт па вухалэт одэнэн киника ханшас па щиты немэтсэт «Ханты вэлупсы па вухаль моньщэт».



Венгрия хон пелак Учёной не Марта Чепреги иса сэрханл хантэт ясэң вэлупсы хўватн вэнлэтл. Лўв ар пўш Сопочинэт рэт кэртэла яңхэс па дыв хушела ханты ширн путремэты вэнлэтлэс. Ши тумпийн Этваш Лоранд немуп Будапешт вош университетн вэнлэтлэты айдэт эх лўв ищи немасыя Югра мўва ясэң вэнлэтэты тэтлэслэ.

М. Чепреги

Йилпа етум киника хэлум арсыр вер эвэлт айкелэт тайл. Мет одэнэн там непек ханшум хуятэт луплэт, муй ширн ханты па вухаль ясэңэт дыв венгрия эх ясэла рэта-шира лўнтэслэт.

Киника кимит шэпалн увэс мўв одэнэн арсыр айкелэт вэллэт па хэлмитн – ханты па вухаль мирэнэн лэщэтум эмаш путрэт: Еремей Айпин, Мария Вагатова, Диана Герасимова, Софья Онина,

Аграфена Песикова, Аляся Сопочина па Галина Кондина. Ши ханнехуятэт ханты па рўщ ясэңэтн айкелэт тэсэт.

Ма па немасыя «Маяңхум пәнтем ын юремэлум» айкел лэщэтсум, хута ханшсум, хути интернатн вэсум, ашколайн вэнлэтылдсум. Вухаль мир ясэң эвэлт ши ханшум непекем венгерской ясэңа учёной не Каталин Шипец тулмащэтлэс. Ма немэстемн, ши киникайт елды ищи мослэт.

Галина Кондина
ханшум айкел
ханты ясэңа тулмащэтс:
Владимир Енов



Щимăщ путрăт хăнтэт вэлупсийн вэлдăт

Вăйт дор тылăщ 9-митн Ёмвошн Ас-угорской институт хотн «Невероятные истории из жизни казымских ханты» немпи киника мира ванлтăсы.

Щи путрăтн ханшман вэл, хутыса ханне-хэ вэнт утăт пида вэнтан вăйтантийл. Щимăщ верăт Касум мўв хăнтэт хуца вэсăт. Тăм киника Нуви сăңхум район Касум вошн вэлты, Ас-угорской институтн Белоярской филиалн рэпитты ханты не Евдокия Каксина лэщăтăс.

Мирхотн ар хуят ак-тăщсăт, щит ханты мир арăт, моньщăт тэса вэты ими Зоя Лозямова, ханты мир учёной Евдокия Немысова, Нуви сăңхум вошн Ас-угорской институтн йис путрăт, моньщăт акăтты тăхи кэща не Римма Потпот, ханты ясă-на вэндтăты не Любовь Федоркив па на хуятăт.

Мирхотн щи киника олăған институтн рэпитты

не Ольга Ернихова путрăтăс. Пăлтап йис путрăт путрăтум ёх ясăт щирн, лыв вэнт утăт пида вăйтантийлсăт, хэн вэнт хўват и кэрт эвăлт па кэрта хўв мър яңхсăт, щăлта хэн шеңк катра хотн холты щира атн хăщсăт. Хўв мър шэшман мулты тăхийн и лотн долъты мосл, щăта поресты па щи юпийн елды мăнты. Ан поресум хуятăта елды мăнты пăнтан вэнт ут вăйтантийл, щимăщ вер хăнтэт хуца ар пўш вэс.

Щиты лəнхəт мўнева луп-лăт, хуты шуши мир йис вэлупсы тэса вэты мосл, па иса ханты щирн верты. Муй ăн рăхл верты, щиты ăн верты.

Вэнт утăт пида вăитант-



Мирхотн пурайн. Н. Рагимова верум хур.

ман ханнехэ шеңк пакăнл. Хăнтэт арсыр щимăщ путрăт вэлдăт, ай кэрта юхăт-тыйн щитăт хэлăнтты рăхл.

Мирхотн институтн рэпитты не Ирина Молданава путрăтăс, хуты ищимăщ йис путрăт па мирăт хуци ищи вэлдăт.

Щăлта исторической наукайт кандидатăн Тимофей Молданов па Татьяна Волдина щимăщ путрăт олăған ясăн тэс-

қан. Лын путрăтсăған, хуты яна щи, мирев кўтн щимăщ верăт вэлдăт. Елды шай яньщман юхтум мир арсыр щимăщ пăлтап путрăт путрăтсăт. Мосл лупты, мойң ёх мирхотн тэп ханты ясăған путрăтсăт.

Ин лўнтаты щи киникайн ханшум и щимăщ путрăт.

Путрăт ханшăс:
Надежда Новыхова

Дор хуца вантум ут

Ташн вэлмев пурайн. Имудты хăтл вўды кăншман яңхсумн йивлăңем пида. Щиты вевды питсумн, рўтыщăлмăн. Дор питăрн шай яньщдумн. Каврум, каврум мулты хăтл вэс.

Щи кўш вэсемн, щи дорэн пăлтап утăт тăйл. Щăта ки ванăн хэл-месты мир, иса пойкшуман щи яңхлăт. Мин па сора хулты шая питсумн, ăн поресумн, ăн мулты. Щиты путрăтман омăстемн са, па сем дор педа павтăмсум, вантлум: ин утэн дор хуца нух хўвдумал, сăран хоп хўваткем щи, питы. Пўнл, хăтлăн поханман, ăл щи вулдийл. Ин йивлăңем педа лупийлдум:

» Я, вантэ, вантэ, тум муй?

Нюр хăтлăн похнум па хўваттэл, сăран хоп хўват щи. Щиты щивелт еша вантсумн, па щи. Лупла: «Лувăтты па ямсыева вантты, арталăты ăн рăхл».

Щăлта шай яньщты йира керлăсмăн. Етшăсмăн па кўш тухелт ăңкăрсумн. Ин утемн ăнтэ, тэп щи мăнум хумплал хăщмел.

Щи дорэн, щи вэн дор па вера мăл лўв, кăмн йиңк вой тăйл. Катра, вантэ, йис утăт щи луплăт, иса мăл лотăт, юханăт хуца, дорăт хуца щи вэлдăт. Щит лупла:

«Вой омсум лотăт».

Щи дорн, вэлтыйн, сўсн тэп ёңк потты питл, щи дорэн имухты мăшья лăп потумла. Щи потты юпийн дор питăрн хэлда ки, щи ат мър, алăңая йир вэнты щи курăң-порăң сыйл сашл. Иса кирăң сыйл щи сашл. И дор олăң эвăлт па дор сўна щи яңхлăт. Щи дорэн оңтăң сортăт па тăйл. Щит ищи пăлтап сэра вэлты ут. Па ищки атăтн сыйл хўва тохăрда. А хăтлалн нўр шитам.

Па щиты щи дорн пак-налтыйлды утлал ищи лэ-васа ăн щи хуята ванл-тыйлдăт, па муй сыйл хэлда. Ищи тум атум вер мутшатэл артан щи шэм-нăлтлăйн. Мин щит вантсумн. Па щи юпийн пил хёем хўв па ăн вэс, щи мэшн щи катлумса. Щирн

лўв ма эвăлтэма вэн вэс, щи лупийл:

» Тăм щăха, ин лўв мул-ты шэп вэс, ăл хэн нух хо-вемилăс, хурасл щи ванл-тăслэ минемна. Щăха, ям ăнтэ.

Щит ма йивлăңем ики, ныём ики, лўв Пим хэ, мосăн, лыв щирăлн щит вантты ăн рăхл. Щимăщ мулты мутшăсы ки, лупла, имухты, сем йира каремăлы. Ин щи пăта па щи щирн ищипа, пăпаен ванлтылăс, ханнехэ ис-хур щи тэс. Лўв щи юпийн ол па ăн вэс, мэшн па щи катлумса.

Путрăтăс **Владимир Данилович Тарлин**,
непека ханшăс:
Евдокия Каксина



Хэлүм яй па меңк ики



Имудтыйн Ай Ас пелакн хэлүм яй вэлдэт. Щиты вэлтэл-холтэл кутэлн олаң доныщ велщи питум юпийн лыв вэнта лаңки велпәса сонтумәсәт.

Щи киньща мет олаң хәтәлн арсыр велпәсләты пурмәсәт, ләмәтсүхәт муй летутәт ай лаңкәр әхәлңәдала ймсыева ил хәшсәт. Кимит хәтәлн, иса әләң хәщәлн, хә ех нух килсәт, лесәт-яныщсәт, хотәл эвәлт кимды етсәт, духңәдал ваттәсәт, сүвңәдал ешңәдала вүсәт па щәлта таксәр күрумн вәнт пелка велпәсләты тәхиләла елды нюхдәсәт.

Хүв муй ван күт лыв щиты мәнсәт: шеңк метсәт. Щәлта мәнты күтәтн рүтьщәты долийлдәт па ищиты вэнта термалуман шәшләт. Етнайн тәп велпәсләты тәхиләла лыв юхәтләт. Щитәлн хулыева павәрт хот лыпия луңемәләт, пүт верты, шай кавәртты па ймашәк рүтьщәты вүтьщәләт.

Вән яйл, шухәл, пүңда омәсл, түт әлты вальщамәт пәсты шухәр ке-

шийн айлтыева нюхәрл. Апщеңәдал пәнән түвум летутәт нух таллңән па юх нурмәта пунлңән. Вальщам муй па түт юхәт ләщәтмәл юпийн вән яйл, щепңәлалн щикүш маләсл, түт кев ән вәйтәл па тәп щиты увәтл:

– *Кай! Түтем нэш юдн хәймем! Мосәң, нын түт тәйләты, вантаты-сәр!*

Щи ясәңдал, юпийн апщеңәл китумтак йм хүв щепәт муйт вантсәңән па ищиты түт кев ән па вәйтсәңән. Щитәлн велпәсләты ех пәтләм күтәлн мулды ширн потум хүл нюхәрләт, няр хүл деләт, путремәләт па павәрт хотәл лыпийн ил улты ләщәтыйлдәт.

Кимит хәтл әләң вүш эвәлт нух верләләт. Мулхәтл етнайл иты, ищи мәшьяйн омәсман, потум хүл деләт. Щәлта хүв муй ван күт лыв щиты, няр хүл левман, нәмәссәт, муй елды верты па хуты ин каврум летутәнтайман, иса потум хотәл лыпийн вәлман, хулыева велпәсләты питләт. Имудтыйн мет ай ап-

щел вән яйңәл пела тәп тәмиты щи путәртыйл:

– *Мүң велпәсләты ай павәрт хотәв шәнш пеләкн вән еңта дор тәнял сүс пурайн мутшәсум. Па щи еңта дорән тум пеләкн наңк юх эвәлт омсум вән павәрт хотн иса вәтща щирәлн пирщамум меңк ики вәл. Нәң, яйе, мет вәншәка мүң күтәвн лүңтәслән па щи вәнт икен хуща яңхлән дәлн па лүв эвәлтәла мўңева түт кев вохлән! Лупа ин икена, хуты мүң лаңки велпәса тыв юхәтсүв па тәп түтәв юдн юремәсәв. Лүв, алпа, мўңева щи түт мәты веритл. Я-а-а, мәнә, мәнә акев ики хуща па түт кев мущата!*

Я щи, хуты верты. Вән яйл, нух доляс, ләмәтсүхәл, ләмтәс па щи мәнәс. Хүв муй ван күт лүв меңк икел хот кәншсәлэ, еша вәс щи мутшәслэ. Щив юхәтмәлн вән наңк юх сохләт эвәлт верум хот ов вүрайн пелки пүншмәлдә. Щәлта хот лыпия луңәл па ин икел пела щи путәртыйл:

– *Вүща вәла, акем ики! Ма апщеңәлам пила лаңки велпәса юхәтсум па түт кев юдн юремәсәв. Нәң дәлн щи луват йм вер версән: түт кев ин мўңева мәсән ки! Кавәртум летут па хошум хот такды муй ширн мүң па тәта елды вәллүв па тўңщирәңа вой велпәсләлүв?*

Пирщамум меңк ики нуры хүват әл улдыйл, нувия вотум ухәл тәп-тәп нух алмыйлдәлэ па юхлы пела, така еңәлман, щиты хәнты хәйла лупл:

– *Я, хидые, түт кевен щит худта мәнл, түт кев щит вәл! Нәң дәлн ин мәнәма мулды путәр шәп путәртсән ки, моньщ моньщсән ки. Түт кев худта мәнл, түт кев щит ма хущема вәл!*

Ин икилеңкие ов пүңәлн щикүш долял, па иса щиты нәмәсыйл:

– *Ма хулща щимәщ әмәщ путәр шәп муй хурасәң моньщ лүведа вүлүм?*

Хүв муй ван күт лүв щиты мәшьяйн доляс, щитәлн меңк ики хот эвәлт ким етәс па юхлы пела шәшмәс.

Щи киньща юхи ай павәрт хотәла юхәттәл, кемн апщеңәла лупл:

– *Акем ики мулды путәр шәп муй моньщ иньщәсл. Ма хулща лүведа щи утәт вүлүм? Щитәт такды лүв ән па кашащәл мўңева түт кев мәты.*

Щәлта велпәс ех күтуп яйл меңк икен хуща китләт па лүведа лупләт:

– *Я, ин нәң яңха-сәр, мосәң, акев икийн түт кевн мәлайн!*

Хүв муй ван күтуп яйл, яңхәс, еша вәл юхи юхтәс па щиты щи нөхмәс:

– *Акем ики мулды путәр шәп муй моньщ иньщәсл. Ма хулща лүведа щи утәт вүлүм? Щитәт такды лүв ән па кашащәл мўңева түт кев мәты.*

Щитәлн вән яйңән апщел меңк икен хуща түт кев мущата китлңән па щиты лүведа луплңән:

– *Я, ин нәң, апщие, вәнт икен хуща яңха-сәр! Мосәң, нәң мулды йм па ущхуль путәр шәп муй хурасәң моньщ лүведа вәйтлән па щиты түт кев мўңева мущаталән.*

Хүв муй ван күт апщел мәнәс па меңк икел хот ова щи юхтәс. Щәлта юхи луңәс па ин икелә тәмиты щи лупл:

Хәнты ясңәт

Кай! – возглас удивления с оттенком досады;
меңк – лесной великан ростом от трёх до пяти метров;

түт кев – от хант. «түт кев» дословно «огонь-камень»;

акем ики – дядюшка (вежливое обращение охотника к лесному великану-менкву);

хидые – внучек (вежливое обращение лесного великана к охотнику-ханты);

копар щонах әмпие – ковшик для сбора оленьей крови;

кал лот – таёжное болото;

яни соры – трясина таёжного болота;

аңән әщ – у каждого лесного великана под подбородком растёт острый рог, направленный в сторону сердца; и, если великан резко нагибается, то этот рог впивается в его сердце, и он сразу же умирает.



– Вўща вәла, акем ики, пирәщ лүвлән, алпа, кәшет ши хұватн и лотн удман?

– Шиты, шиты, хилые! Пиршамум лүвлам әл хән кәшитдәт. Катра вўш эвәлт дыв иса мулды войн пурдыйт, – вәнт ики лүвела юхды нөхмәс.

– Акем ики, ма яйңалам пида велпәсләты юхәтсум па тўт кевев мулды ширн юдн юремәсэв. Нәң дәдн ши луват ям вер версән: тўт кев мўңева мәсән ки!

– Я, хилые, тўт кев щит худта мәнл, тўт кев щит вәл! Нәң дәдн мәнема мулды путәр шәп путәртсән ки, моньщ моньщсән ки. Тўт кев щит худта мәнл!

– Акем ики, путәр шәп хуты вәл, моньщ хуты худта мәнл. Нәң ямсыева хәдәнта-сәр:

«Я-а-а, копар золах әмпиём адемәлум, кәл лот хуца яни соры пўңәлн долъдум! Әмпиём тәдыева пирмәтн, серәтн па пелңаитн ләп латда. Ма пирмәт яма нух әкәтләдам па и хира пундәлам. Шиты тәлаң вән пирмәң хир әкмәс па лүв овәл така кедн ләп йиремәсем. Кимит хирема серы пәктәт овәл вўш вәнты әкәтлдум. Хәлмит хирем па иса пелңаитн текнуптәдем. Я-а-а, муй па ин ма ши арат пирмәң, серәң па пелңаиң ташәт пида верты питлдум? Ши киньща ампәң әхлые вўдум. Мет оләңән пирмәт, щәлдта серәт па пелңаит ай ампәң әхлема худыева нух кирдәлам. Әхлема така омәслум, кирум хоптыдам ед вошитлдум па тывелт-тухелт мўв хұватн ма әк-тум ташеюм сора тәп әл тәдясюм.

Яңхтем-мәнтем күтәтн арсыр мўвәт-йиңкәт ван-тыйлдсум, сыр-сыр әх вәй-тантыйлдсум, кәмн шир айкел иса әкәтсум па ин нәңена, акем ики, ши путәрдам па луплалам. Еша вәл ма нух кирум хоптыдам метты питсәт,

ши пәта юхды пела шеңк термәлуман йисум. Юдн пирмәт, серәт, пелңаит есәлдсум: нух амәтман дыв худыева лакки пәр-ләсәт. Щәлдта ай ампәң әхлыём павәрт хот сўңа доньщлтәсем, копар зо-нах әмпиём лупаса хә-нятсем. Ши кемн па нәң хущена айлтыева йисум».

Шитәлн меңк ики хулна улты и тәхийн ән веритл. Лүв нух килтәл, па иса хунәл ешңәлалн катәлман, вән няхән муй ай няхән така няхәл. Вәнт ики няхты вер эвәлт наң юх хот күл павәртәт тәп әл тәрийдәт: ши киньща нухды меныйлдәт муй илды пелы меныйлдәт.

Хўв муй ван күт лүв шиты така няхәс. Әхәт няхты верәл эвәлт нух вўлыюм ширәлн, ин вәнт ики айлтыева роммәлтәс па юхды ши лупәс:

– Вантә са, муй хурпи хурасәң па әмәщ путрые нәң, хилые, мәнема тўв-мен. Тәмәщ ущхуль ай-келәт, вәтща ширн иса вәнт пеләкн вәлман ма шеңк хўвн ән па хәдәнтыйлдсум!

Шитәлн меңк ики мултас тўт кев кәншәс па лүвел няхәлтум хиләда мешумсәлә. Тумел тўт кевәл молупци дыпия хойлдсәлә па ин икеда шиты лупл:

– Нәң, дәдн, акем ики, тәмхәтл ма пилема шовәр велпәса яңхлән? Ма, вантә, аләңән, хән нәң хущена йисум, ента дорән оләңән ямкем арат ар шоврәң ташәт вантсум. Ийха мәнлумн ки, ищипа, ма ширемн, аршәк вой веллумн.

Ин вәнт ики мет оләңән иса каш ән тәйс. Әхәт па ши сонтумәс хәнты хә пида мәнты па шовәр велты. Юдн, вантә, лүвела әл омәсты ищипа дәлн шеңк мәрем вәс. Ши киньща хўв муй ван күт кәт велпәсләты хә шәш-



▲ Хәлум яй па меңк ики, И. Ксенофонтова хәншум хур

сәңән па еша вәс ента дорәл олңа юхәтсәңән, ши вантыйлдәңән: ин ента дор оләң иса кәрмас юх вўрәт вәнты, вүдәк еңк иты, шовәр кәлмәтн ләп пәртылум. Семн вантман, нуви войт тывелт-тухелт дыв елпелн навәртләт. Мулдыкем арат шовәр дын ийха ши велдәңән па и тәхета щитәт ши өвәлдәңән.

Еша вәл вой велты мәрн хәнты хә меңк икен пела такан шиты увәлтәс:

– Я-а-а, нәң, акем ики, илды нюрум юх илпия луңемиа-сәр, ши тәхи хуца шеңк ар нуви вой ийха әкмәс!

Ин вәнт ики тәп ил нюрумтәл па аңнәлн тәйты әщәлн лүв сәмл иса мухты пелды. Щәта лүв щих ши рәкәнд. Меңк икел сурма питмәл вер юпийн хәнты хә шовәр велпәсл вущкәллә па сора-сора юхи шәшмәл.

Имулдыин юхи юхәтл, яйңалад пәнән вохләлә па дыв пиләла меңк икен вәлум хота мәнләт. Щәлдта ин вәнт ики тәюм арсыр лупасәт иса худыева пелки пўншләт. Ши киньща мет оләңайләңкәр әхлатынәң, нуви, питы муй вўрты вой сухәт әкәтләт па ил хәшләт. Кимит әхда арсыр велпәс пурмәсәт тәдыева тәләт. Хәлмит әхләл хәнты хўләтн па вәнт вой нюхийн иса тәлаңтелн ләп пўнләл. Ши арат таш пида хәлум яй юхды Ай Ас пеләк кәртәла юхи ши мәнләт.

Тәмәщ вер тывум юпийн немудты тўт кев муй ләңки велпәс ши өхлўва иса ән па мосәс. Хәлум яй ин тәмхәтл вәнты шўняңа-холәңа вәлдәт.

Йис өх моньшум ширн моньщ хәншәс:

Владимир Енов



Демәң, вәнт кәртән еңмум нә

Ёмвош район Демәң мұвн Лозьямовәт ханты хоттел, ёх вәлдәт. Сыры оләтн пилдән Татьяна па Владимир Лозьямовдән, лын эвеңән Вера па Людмила, Гена пухән мұң газетаева айкеләт хәншәт, хутыса дыв вәнт кәртән вәлдәт, хутыса вүлэт давәлләт, хүл велпәсләләт. Тәм олн ма Кышик кәрта яңхсум па Вера пида путәртсум.

Вера Лозьямова Демәң вәнт кәртән сема питәс, ин дүв 32 ола йис. Щәта ашколая мантад вәнта еңмәс. Щирн дүв тәса вәллә, хутыса вүды лапәттү, хутыса вүды әхәдн яңхты. Лүв лупәс:

» Вәнт кәртәм мосман тәйләм. Ашколайн ма тәта Кышик кәртән вәндтәйлдсум. Щи юпийн Ёмвош педагогической колледжән вәндтәйлдсум. 2014-мит олн щит етшуптәсем.

Интәм Вера Кышик кәртән вәл. Икия мәнәс, щити ищи хәнты хә Максим Кузьмич Лозьямов.

» Икәм Кышик кәртән еңмәс. Нивд ол яха вәлдүмн, хәдүм няврәм тәйлүмн – кәт эви па пух. Валентина вән эвемн ашколайн вәндтәйл, ай эвемн – Ира. Алёша мөт ай пухемн хәлүм ола йис. Няврәмдам хәнты ясәт хәлдәт, пәд тәйләт, тәп ән путәртләт. Икәм ищи ән путәртәл, әңкел путәртәл. Вантә, ин йис вәлүпсийн шимл хуят рәт ясәңән путәртәл, щи пәта айлат ёх рәт ясәң хәлдәт, тәп ән путәртләт, – лупл Вера Владимировна.

Сырышәк дүв күлупн няврәмәт хәнты мир йис



^ В. Лозьямова

верәта вәндтүман рәпитәс, сәк сәвты, ентәсты. Лүв ай пура эвәлт щит верты хошл.

Иса ләмәтсүх ентәл: вей, сәх, молупщи, ёрнасәт, пуркайт. Щит метяй, интәм муртәңа щимәщ айлат нә вәйтлән, тәп вәнт кәртән еңмум эвет щити хошләт. Лупл, хуты щи вера ай пурайн әңкелн вәндтәсы.

Интәм Вера Лозьямова лапкайн пиркашека рәпитл. Арсыр хәнты мир дөтүт кавәртты хошл. Ма Кышика вурңа хәтлә юхтәйлдсум. Вера щи ёмәңхәтл пурайн мойң ёх пәта омсум юрн хотн арсыр епләң дөтүт кавәртәс. Ма ищи щәта вәсум па дөсум. Вера лупл, хуты әңкел



^ В. Лозьямова няврәмдад пида. Н. Рагимова верум хурңән

па яйңәдал ин вәнты вәнтән вүдыдал давәлман, хүл велпәслүман вәлдәт. Әңкел атәлт ин вәл, пухңәдал дүв хушәла юхтәйлдәңән. Кашәң ёх дыв вәнт кәртәл тәйләт. Щитәт иса ванән вәлдәт. В. Лозьямова лупәс:

» Вәнт шушев Кышик эвәлт кәтсөт мултас километрайн вәл. Тәм йисн машинайн щив яңхлүв, әш вәл, буранән ищи яңхлүв. Катрайн вүдыйн яңхсүв. Машинайн хәт-лапәт щос мәнты мосл, хән хүвшәк. Лүңән – хопн па күрн. Хопн ищи хүв яңхты, тәлта саты мүңева щивелт мәнты пиш әнтә. Сәрханла мәнлүв, щәлта па Демәң хүват хопн, хәтл шәпкем мәнты мосл. Әңкем тәдн тыв тәп юхтәйл, дүңән тыв ән

яңхәл, воньшүмут әкәтләт. Мүң щив яңхлүв. Дөтүт щив тәп тәдн тәтәлүв, дүңән пиш әнтә.

Тәм хәнты нә ай пурайл, вүш эвәлт, хән ашколайн вәндтүләс, «Хәнты ясәң» газетаева әмәщ ай путәр шәпиет хәнты ясәңән хәншиләс, дүв хурамәң хәнты ясәң тәйл. Ин, лупл, кәмәл әнтә хәншты. Ма ләңхәлүм, дәдн дүв елды ищи хәнты мирев пәта айкеләт ат хәншәс, хутыса вәнт кәртән вәлдәт, вүды давәлләт, хүл велпәсләләт, воньшүмут әкәтләт. Тәлаңа, йма, уяңа хоттел, ёхләл пида ат вәлдәт!

Путәр хәншәс:
Надежда Рагимова

Ханты ясанг
(Хантыйское слово)
№16 (3580), 19.08.2021

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора, главный редактор – **Кондина Г.Р.**
Телефон (3467) 33-36-82

Заместитель главного редактора – **Вах Н.И.**
Телефон (3467) 33-24-02

Отвественный секретарь – **Рагимова Н.В.**
Телефон (3467) 33-24-02

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул. Маяковского, 14.

Индексы **04393, 54393**

Тираж **2166** экз.

Заказ **3582**

Цена свободная

Газета
зарегистрирована
Управлением Федеральной
службы по надзору в
сфере связи,
информационных технологий
и массовых коммуникаций по

Тюменской области, ХМАО-
Югре и ЯНАО.

Свидетельство о регистрации
ПИ №ТУ 72-00796
от 23 января 2013 г.

Мнение авторов публикаций
не обязательно отражает
точку зрения редакции.